

Radetzkmarsch

Up'n Wuchenend is je soveel los, man weit je gonnich wat man anstelln schall. Wiel ick nu girn mit'n Drahtesel ünnerwegens bin, hebb ick mi letz Wuchenend vörnahmen bi Erwin Schumacher,beder bekannt as Ankes Trachtengalerie tum Oktoberfest vörbi to kieken. Wull mi ok mal na een nee West ümkieken. Den Verköper söök ick mi jümmers ut, dor gifft al johrenlang een heel fründlichen, de ok gaud Platt snacken kann. Will nich heiten, dat de anner Damen in tweiten Stock nich fründlich sünd, babentau sünd se ok noch recht smuck. Dor heff ick as Mannsminsch je nix to seuken, liekers gah ick mal kott na baben üm mi dat Spektakel vun Mann, Fru un Kleddasch an to kieken. Na ja, toeist müss ick mien Mittageten nahalen, wiel dat to Huus nix geev un bi Erwin nix kost. Dortau noch'n Glas Rotwien drunken. Nu küümt dat wo ick eigentlich up ruut bün, de Muisik. De Möhnsener Muskanten speelten düchten up. Dat weer een Grund länger to blieven. Wokein to Huus bleven is, hett wat verpaßt. Mi hett dat so gaud gefallen, dat ick sogar den Radetzkmarsch dirigiern müss! Kunn mi gonnich wedder in kriegen un heff bi Erwin noch'n fein Tass Koffi drunken. Kekse weern ok dorbi. Kunn mitkriegen, dat de Moinser ok noch in Bathorst bi vun Ruffin upspeelen schullen. Alo,nix wi rupp up den Drahtesel un af na Basthorst .Hier geev veel to seihn, to drinken un to eten. Kunn mi so hinsetten, dat ick de Möhnsener Muskanten geneten kunn. Ick glööv, dat se mi allwedder utkeken harrn den Radetskmarsch to derigiern. Bün aver vördem utneiht un af na Huus radelt. Eens heff ick mi vörnahmen an'n 30.September speelt se up'n Oktoberfest bi Hamester in Basthorst. Dor will ick hen, wenn geht nich alleen, wiss kaamt ji mit?! *Sonny!*
